



Die Beauftragte der Bundesregierung
für Migration, Flüchtlinge und
Integration

TIŞTÊ KU PÊWÎST E DERBARÊ KORONAYÊ BIZANÎ

Xalên têkildarî reftar, qanûna kar
û rêzikên gerrê bi awirekê

Li vir tu dikarî hin lêzanînan
derbarê App'a hişyariya
Koronayê ya dewleta federal bi
zimanê xwe yê zikmakî bibînî.



[www.integrationsbeauftragte.de/
corona-warn-app](http://www.integrationsbeauftragte.de/corona-warn-app)

Girîng:
Bi vaksînekirina Koronayê,
xwe û kesên din biparêze!



[www.integrationsbeauftragte.de/
corona-virus](http://www.integrationsbeauftragte.de/corona-virus)

Tendurustî

EZ ÇAWA DIKARIM XWE Û KESÊN DIN BIPARÊZIM

Gişt dikarin di warê têkoşîan dijî Koronayê da alîkariyê bikin. Têkiliya digel kesên din heta radeya pêkan kêm bike û têkiliya xwe bo komeke kesên neguhêr sînordar bike. Tenê bi vê riyê dikarî rê li ber tûşbûnê bigirî. Hertim girîng e:



Şûştina destan
(herîkê
20 çirkeyan)



Navbira te digel
kesên din herîkê
1.5 metro be.



Maskeyê dayne.



Di nava enîşk an
destmaleke kaxezî da
bikuxe an bipişke.



Hewayê atmosferên
girtî bi qasî pêwîst
biguherîne.



ÇIMA DIVÊ EZ LI DIJÎ VÎRÛSA
KORONAYÊ BÊM VAKSÎNEKRIIN?

- Tu xwe, xizm û kes û hemî kesên di têkiliya bi xwe ra diparêzî.
- Vaksînekirin dilxwazî û bêpere ye. Derbarê dema vaksînekirinê tu dikarî bi riya hejmara 116 117 agahiyên bi dest bixî.
- Vaksîn bi diqet ji hêla tehemil, ewlehî û bandorkirinê va hatine ceribandin.



HEKE EZ WIHA GUMAN BIKIM KU TÛŞ
BÛME, DIVÊ ÇI KAREKÎ BIKIM?

Gelo têkiliya te bi kesekî ra hebûye ku ew tûşî vîrûsa Koronayê bûye? Derdem bi riya telefonê digel rêveberiya tendurustiya xwe bikeve têkiliyê! Heta heke tu nîşaneyeka nexweşiyê tunebe. Bi riya hejmara telefona 116 117 tu dikarî mekanê ku dikarî li wir test bidî, bizanî. Heta dema ku encama testê were ragihandin, li malê bimîne!

JIYANA GELEMPERÎ



BABETÊN JÊRÊ DI ATMOSFERA GELEMPERÎ DA TÊN SEPANDIN:

Navbira herîkêm a 1.5 metroyî biparêze. Tu divê li mekanên jêrê maskeya bijîşkiyê daynê: Li wesayîten veguhestina gelemperî, dema kîrînê, li mekanên bi hatûçûna gel û li mekanên vekirî ku gelek kes li wan deran hene. Heke nekarî navbira ewleh a 1.5 metroyî biparêzê, di cihê karkirinê da jî danîna maskeyê pêwîst e.

Baldarî: Berçavnegirtina danîna maskê dibe ku cezaya herîkêm 50 Euro li ser te bide ssepandin.

HEKE ZÊDETIR JI 100 BABETÊN TÛŞBÛNÊ BIQEWIMIN, DÊ ÇI QANÛN BÊN SEPANDIN?

Di vê rewşê da xwaringeh û kafe dê girêdayî bimînin (Îmkana wergirtin û radestkirinê heye). Ev babet derbarê Bar, klûb, Şanoxane,

salûnên Konserê, Sînema, parkên seyranê, klûbên werzişî, hewzên avê, salûnên çaksaziya leşî û xemlîngehan tên sepandin. Pîrraniya firoşgehan heta asta qewimîna 150 babetan vekirî dimînin. Mişteriyên hewcetî bi diyarkirina dema seredana ji berê va û encama nerênî ya testê hene.



CIHÊN JÊRÊ VEKIRÎ DIMÎNIN?

- Firoşgehên xwarekê, bazarên hefteyî û firoşgeh jibo hewcetiyan lezgin û rojane.
- Xemlîngeh (Bi encama nerênî ya testa Koronaya rojane).
- Xizmetên bijîşkiyê yên pêwîst, wek mînak Fîziyotrapî, dikarin bixebitin.
- Berçavnegirtina qanûnên paqijî û tendurustiyê û navbirdanîna divê di merasima îbadeta Kîlîseyê û rêûrismên mezhebî da pêk bên.

Derketina ji malê ji aet 22 heta 5ê berbangê tenê ji ber hegera bawerpêkirî pêkan e: Wek mînak çûyîna bo kar, babetên awarte yên bijîşkiyê an lêmiqatebûna ji ajelan. Heta saet 24 dikarî bi tenê bimeşî an werziş bikî.

Hevdîtinên xusûsî: Endamên malbatekê tenê destûra xwe hene ku bi kesekî din ra hevdîtin bikin (zarokên heta temenê 14 salî nayên hesab).

Ji asta qewimîna 165 babetên tûşbûnê û pê da, dibistan û baxçeyên zarokan (lêmiqatebûna berdewam) tên betalkirin. Istîsna derbarê polên dawiyê û dibistanên taybet pêkan e.

Li parêzgehên federal qanûnên diwartir jî pêkan e. Lêzanîna di vî warî da li malperên parêzgehên federal hene

Karkirin û Pere



HEKE XWEDIYÊ KARÊ MIN JI BER KORONAYÊ CARÊ XEBATÊ BIDE RAWESTANDIN, DÊ ÇI BIQEWIME?

Tu yê hema wisa heta heke nexebitî, mafê wergirtina meaşê hebe.

HEKE EZ BÊKAR BÛM, DIVÊ ÇI KAREKÎ BIKIM?

Tu divê vê yekê ji navenda kar an Ajansa kar ra bibêjî. Ew her du tenê di babetên lezgin û bi biryara hevdîtinê ji berê va seredaneran qebûl dikin. Tu dikarî bi riya telefonê an jî bi awayê online bêkarbûna xwe ragihînî. Her wiha tu dikarî daxwazan bi awayê online raber bikî. Girîng: Qanûnên Parastina li hemberî dersînorkirinê hema wisa bawerpêkirî ne. Ji bilî vêya, bidestxistina ewlehiya bingeh jibo kesên li dû kar digerin, hatiye hêsankirin.



HEKE XWEDÎKARÊ MIN DESTÛRA XEBATA DEMKURT BIDE, DÊ ÇI BIQEWIME?

Tu dikarî destmizda karê demkurt heta 24 mehan werbigirî. Ev dikare heta sedî 87 ji meşa te ya jidestçûyî bigire ber xwe. Ajansa Kar a berpîrs bi awayê babetî dê vekolîne ku gelo hemî şert û merc hene an na.



EZ DIKARIM ÇI ALÛKARIYÊKÊ JIBO KOMPANIYA XWE WERBIGIRIM?

Enistîtûya Kîredîta Nûavakirinê (KfW) deynên şirketî yên cûrbecûr bi bihayê guncan raber dike. Ji kerema xwe seredana banka kompaniya xwe an her wiha şirketê xwe yê aborî jibo wergirtina deynên KfW bike. Kompanyên biçûk û navgîn ku pêşniyara fêrbûna xwe ya kar bi fêrbûna kar a nû dabîn dikin an berfireh dikin, piştgiriya aborî werdigirin.

KESÊN KU TENÊ BI XWE DIXEBITIN Û KARÊN BIÇÛK ÇI CÛRE PIŞTGIRIYÊKÊ WERDIGIRIN?

Bernamneyeka taybet a KfW bi şertên deynê yên funcan, alûkariya xerc û mesrefê jibo mesrefên operasyonî, misogerkirina bi beûşdariya dewleta Federal, kiryarên alûkariya sormalê û pakêteka piştgiriya jibo kompanyên nûdamezirandî (Start-up) li ber dest e. Di rewşa jidestçûna derhatê ji ber Koronayê, piştewaniya pirtir jibo enistîtûyên çandî bi meşa taybet û enistîtûyên bi berjewendiya giştî li ber dest e, wek mînak jibo xewgehên xortan, firoşgehên civakî an karên giştî (Inklusionsbetriebe).



ÇI PIŞTIRIEK JIBO XWENDEKARAN HEYE?

Xwendekarên ku hewcetiya wan a zêde ya aborî heye, jibo wergirtina alîkariya mesrefê ji Yekîtiya Xwendekarên bila daxwazê bidin. Ev alîkariya mesrefa mehan herîpirr 500 Euro ye. Ji bilî vê yekê, kiredîta xwendekarên a KFW jibo xwendekarên derveyî heye.



GELO EZ DIKARIM JIBO ALÏKARIYA XERCÛ MESREFA ZAROK DAXWAZ BIDIM?

Heke derhata te jibo tevahiya malbata te têrê neke, alîkariya mesrefa zarok pêkan e. Di sala 2021ê da tu dikarî 30 rojan alîkariya mesrefa nexweşîya zarok pêka her yek dayîk û bavan (60 rojan di rewşa ku tenê yek ji dêbavan hebe) werbigirî. Ev babet her wiha di rewşa ku ji ber Pandemiyê, dibistan an zarokxane girêdayî bin û neçar bî ku zarokên xwe li malê xwedî bikî, rast e.



DERBARÊ GERR Û SEFERÊ ÇI QANÛN HENE?

Divê dev ji gerrên xusûsî û geşt û gerra li nav û derveyî welêt li pêwîst nîne, were berdan. Pêşniyarên cihê mayînê li Almanyayê, wek mînak li hotelan tenê jibo armancên pêwîst rêpêdayî ye – Lê ne jibo geştyariyê. Beriya çûyîna bo derveyî welêt, ji kerema xwe digel Wezaretê karên derve ya Federal û Wezaretê karên hundir a federal ra bikeve têkiliyê da ku haya te ji sînardariyên niha yên hatinê û kontrolkirina sînoran hebe.

DEMA VEGIRIYANÊ DIVÊ HAYA MIN LI SER ÇI BABETAN HEBE?

Her kesek ku ji navçeyeka xeterê derbasî Almanyayê bibe, divê di heyama 48 saetan beriya hatinê an derdem piştî wê testê bide û piştî hatinê li malê bimîne! Tu seredanerekî nepejirîne û derdem Rêveberiya Tendurustiyê ya navçeyê haydar bike! Tu dikarî herîkêm ji roja pêncem a piştî hatinê testeka din a Koronayê bidî. Heke encama testa te nerênî be, dikarî zûtirkê dawî li Qerentîneyê bînî (heke nebe

10m roj). Tu dikarî bi riya hejmara telefona 116 117 agahiyan bi dest bixî ku li ku dikarî testê bidî.

Dikkat: Baldarî: Binpêkirina soza qerentîneyê renga bibe sebaba sepandina cezaya pere.

Dema hatina ji navçeyên bi asta zêde ya babetên tûşbûyî an cûreyên din ên vîrûsê, qanûnên diwartir dê werin sepandin û tu divê beriya derbasbûna nav welêt testê bidî. Jibo hemî gerr û seferên asimanî, dayîna testê beriya derbasbûna nav welêt pêwîst e.

Jibo bidestxistina agahiyan ji vê yekê ku kîjan welat di lista xeterê, asta zêde ya tûşbûyîyan an cûreyên vîrûsê ye, dikarî seredana malpera jêrê bikî: https://www.rki.de/DE/Content/InfAZ/N/Neuartiges_Coronavirus/Risikogebiete_neu.html



DEWLET ÇI KAREKÎ DIKE?

Dewleta Federal û parêzgehên federal zêde ji 1 milyar Euro alîkarî jibo kêmkirina dûhatên aborî û civakî yên Pandemiyê Koronayê raber dikin. Bernameyeka alîkariya zêdebarî jibo kompanî û enistîtûyên ku di Mijdar (November) an Kanûna (desember) sala 2020î da hatin betalkirin, heye.

Weşan:

Nûnera dewleta federal di warê Koçberî, Penaber û Entegrasyonê da

Roj:

23.04.2021



EZ JI KU DIKARIM AGAHİYÊN PÊBAWER DERBARÊ VAN MIJARAN BI ZIMANÊN CÛRBEÇÛR BIBÎNIM?

Înternet tijî gotegot û nûçeyên sexte ye ku bilez bi riya komên Çetê (Chatgrup) tînan weşandin. Agahiyên birojkirî bi zimanên cûrbecûr ku dikarî bawerîya xwe bi wan bînî, li vir bibîne:

www.integrationsbeauftragte.de/corona-virus û www.eu-gleichbehandlungsstelle.de/corona-virus

